

ANG IMONG  
**KAPALARAN**





**A**ng imo bang kapalaran nahisulat na sa imong mga palad? Daghan ang misalig ug nagtoo nga ang ilang kaugmaon matag-anan pinaagi sa pagbasa sa mga badlis sa ilang palad.

Tinuod man, patoo-too o panaghap man ugaling kini, nagpaila lang nga aduna kita'y mga pangutanang nagkinahanglan ug katinawan, sama sa mga misunod:

Unsa'y naghulat kanato ugma damlag? Unsa may kinatumyan sa atong kinabuhi? Labaw sa tanan, ngano nga gipakatawo man kita? Ang kinabuhi ba sama lamang sa usa ka bula' nga ania karon unya mahanaw lamang pag-abot sa iyang takna? Nganong ania man kita sa kalibotan? Aduna ba'y mahinungdanong tumong ang kinabuhi? Ug dili kaha, kutob ra ba kita sa pagpanlimbasog aron lang matagamtam ang hamugaway nga kahintang—unya sa kinatumyan niini wala gihapo'y makatagbaw ng tubag sa nahaunang mga pangutana?

Maorag sayon paminawon ang mga pangutana, apan kadaghanan maglisod pagtubag niini. Dili kini angayan maingon niana! Kinahanglan ang tibuok katawhan masayod ug masabtan ngano ug unsay hinungdan nga ania kita sa kalibutan.

Sa pagkatinuod, ang kamatuoran

mahitungod sa tawo dili nagkinahanglan ug lawum nga panghuna-huna aron matukib kini. Dili kinahanglang taas ang kinaadman aron masayran ang kamatuoran.

Ngano man? Tungod kay ang Magbubuhay nagbilin ug mga pahimangno kon unsa gayod ang hinungdan ngano nga gibuhay Niya ang tawo. Adunay talamdan aron mahibaloan ang Iyang tinguha alang kanatong tanan. Basahon lang nato ug sabton sumala sa nahisulat niini. Kini mao ang Biblia. Ang libro nga mao'y nahimong tinubdan ug gipasikaran sa hapit tanang relihiyong nagduso sa 'kamatuoran' bahin sa Kristianismo.

### **Ang Dios sa Biblia**

Sa unang tan-aw, ang Biblia sama lamang sa kasagarang libro. Apan ang mga nahipatik sa sulod niini mao'y naghatag ug dakong kalainan tungod kay wala kini magagikan sa mga bantogang manunulat kon dili ang mga pulong nga nahisulat nagagikan sa inspirasyon sa Dios mismo. Si Apostol Pedro nagpamatuod: “Apan labaw sa tanan, hinumdomi kini: walay si bisan kinsa nga makasaysay sa kahulogan sa mga propesiya pinaagi sa iyang kaugalingong panabot. Kay walay propesiya nga nahimo gumikan sa pagbuot sa tawo, kon dili ang mga tawo nga balaan nagapadayag sa mga butang nga misantup sa ilang huna-huna nga nagagikan sa Dios pinaagi sa Balaang Espiritu”. (2 Pedro

1:20-21)

Sa pagsangyaw sa Iyang gahom ug katungod, ang Dios diretsahang nagpahayag sa sinultihang walay lipod-lipod: “Mao kini ang giingon sa GINOO, ang hari nga labing gamhanan, 'Ako mao ang sinugdan ug ang kataposan; gawas kanako wala na'y laing Dios. Kinsa'y sama kanako? Ipasangyaw niya kini ug ipasulti sa akong atubangan. Kinsa may makatagna sukad sa karaang panahon sa mga butang nga umaabot? Pasultiha siya kanamo, ayaw kalisang ni kahadlok; wala ko ba ikaw sultihi ug pahayagi niini sukad pa sa sinugdan? Ug kamo akong mga saksi! Duna ba'y laing Dios sama kanako? (Isaias 44:6-8)

Dugang pa niini: “Ako ang Ginoo ug wala na'y lain, walay Dios gawas kanako; bisan pag wala ka makaila kanako aron ang katawhan, sukad sa sidlakan hangtod sa kasadpan masayod nga wala na'y lain gawas kanako. Ako mao ang Ginoo ug wala na'y lain. Ako'y nagbuhat sa kahayag ug kangitngit. Ako'y naghimo sa kabulahanan ug katalagman. Ako ang Ginoo nga naghimo niining tanan,” (Isaias 45:5-7)

Ang Ginoo nagdeklara nga kontrolado Niya ang tanan. Ug ang tanan nasakop ubos sa Iyang gahom.

## **Ang Paglalang sa Tawo**

Angay natong masayran kon unsa ang

unang lakang sa paglalang sa tawo. Usa kini ka kaalam nga dili kinahanglan mahimong misteryoso. Unsa man gyod ang komposisyon sa tawo, ang mga sambog sa paglalik kaniya? Sa Genesis 2:7 atong mabasa: “Unya mikuha ang Ginoong Dios ug yuta ug nagbuhat Siya'g tawo gikan niini; gihuypan niya ang buho sa ilong sa tawo sa makapabuhing gininhawa ug ang tawo nahimong buhing kalag.”

Ang tawo diay materyal. Human makasala si Adan ug Eba batok sa mga sugo sa Ginoo sa ilang pagsupak sa Iyang tugon nga dili angayan kan-on ang bunga sa kahoy nga naghatag ug kahibalo sa maayo ug daotan (Genesis 2:15-17; Genesis 3) gipapahawa sila gikan sa tanaman sa Eden. Ug miingon ang Dios kang Adan: “Magpatulo ka sa singot ug maghago pag-ayo una pa mohatag kanimog abot ang yuta hangtod nga mobalik ka sa yuta nga gigikanan mo. Hinimo ka sa yuta, sa yuta ka mopauli.” (Genesis 3:19)

Matud pa ni Haring David, “Pagkamubo sa kinabuhi nga gihatag mo kanako! Pipila lamang ka dangaw ang gitas-on niini; ang tawo, bisan pa sa hilabihan niya kamaayo ug kahimtang, wala gihapo'y bili ang tanan.” (Salmo 39:5)

“Nagtoo ako” matud ni Haring Solomon, “nga gisulayan sa Dios ang tawo aron pagpaila kanila nga sama ra sila sa mahanap; kay managsamag dangatan ang mga tawo ug mananap—mangamatay silang tanan.

Managsama silag kinabuhi, sama ra sa mahanap ang tawo, kay wala may kahulogan alang kanila ang kinabuhi. Managsama ang ilang padulngan—abog. Gikan sila sa abog, ug sa abog sila mopauli.” (Ecclesiastes 3:18-20)

### Ang 'Kalag' sa Tawo

Atong nahisgotan sa Genesis 2:7 nga human lalika sa Dios ang tawo gikan sa yuta wala pa diay kini kinabuhi. Ang iyang kasingkasing, baga, atay, mga kaugatan ug uban pang bahin sa kalawasan nga mao'y magpalihok sa iyang lawas dili pa aktibo tungod kay ang unang gikinahanglan ginhawa man aron magsugod ang kinabuhi. Nahimo lang siyang buhing kalag human huypi sa Dios ang mga buho sa iyang ilong. Sa laktod nga pagkasulti, usa siya makabaton ug ginhawa sa kinabuhi, usa siya ka patayng kalag.

Mao rag duna ta'y problema niini tungod kay ang atong namat-ang mga gipanudlo—ang kalag kuno dili mamatay kon dili mobulag lang kini sa patayng lawas ug modiretso sa langit kon ikaw matarong, sa impyerno kon ikaw daotan, ug sa purgaturio kon dili tantong daotan aron aduna pa'y paglaom nga mahalangit pinaagi sa kinsing-kasing nga mga pag-ampo sa mga nahabilin nga mga buhing kaigsoonan.

Apan ang Bilia tin-aw nga nagpamatuod nga ang kalag dunay kamatayon. Gihimo kini gikan sa abog ug mobalik kini didto sa higayon

nga maputlan na kini ug ginhawa. Tan-awa: “Akoa ang tanang kalag; ang mga ginikanan ug ang mga anak akoa; ang kalag nga makasala mamatay.” (Ezequiel 18:4) Gisegundahan pa kini: “Ang kalag nga makasala mao ra'y mamatay.” (V20)

Atong nakita sa Biblia nga ang tawo diay hinimo gikan sa abog ug mobalik siya niini sa oras nga siya mamatay. Ang pulong nga kalag sa Biblia nagagikan sa pinulongang hebrohanon nga 'nepesh'. Dali lang sabton ang kahulogan: binuhat o creature sa ingles, kinabuhi, mananap, tawo, siya, ako, sila, etc.

Busa, kon Biblia ang pasultihon, wala'y kamatuoran nga sa oras nga kita mamatay ang atong kalag mobulag sa patayng lawas ug molawig paingon sa langit. Si Kristo mismo nagaingon, “Wala pa'y nakasaka sa langit gawas niadtong nanaog gikan sa langit—ang Anak sa Tawo (gihisgotan ang iyang kaugalingon) Juan 3:13.

Si Haring David may kasingkasing nga nahauyon sa panan-aw sa Dios. Sa pagwale ni Pedro sa adlaw sa Pentecostes, nahisgotan niya si David. Matud niya: “Mga igsoon, kinahanglan isulti ko kaninyo sa matin-aw mahitungod kang David nga atong patriyarka. Namatay siya ug gilubong, ug ang iyang lubnganan ania pa dinhi hangtod karon.” (Buhat 2:29) Kapin sa duha ka libo ka tuig nang patay si David una pa magwale si Pedro.



## Unsa'y Kalainan sa Tawo ug Mahanap

Atong nasayran gikan sa mga inpormasyong nakutlo gikan sa Biblia nga ang tawo diay wala'y kalainan sa mananap. (Ecclesiastes 3:18-20)

Kon mao kini, wala ba kita'y malaoman nga mas mahinungdanong tumong gawas lang sa pagpanlimbasog aron mapahimuslan ang mubong kinabuhi nga gihatag kanato sa Ginoo? Mao ra ba kini ang tumong sa tawo? Ania karon—mahanaw ugma! Aduna pa ba'y mas mahinungdanon gawas niini? Aduna ug dako kaayo! Ug kini mao'y usa ka misteryo sa kadaghanan apan gipasundayag kanato sa Dios sa pinulongang dili masaypan.

Atong balikan sa sinugdan ang paglalang sa tawo. “Unya miingon ang Dios, buhaton nato ang tawo sama sa atong larawan, kapariho sa atong panagway. Ug sila mao'y adunay gahom sa mga isda sa dagat, sa mga kalanggaman sa kahanginan, mga baka ug uban pang mga mananap, apil na ang tanang nagkamang nga mga mananap sa ibabaw sa yuta. Busa, gilalang sa Dios ang tawo **SUMALA SA IYANG PANAGWAY**, sa **IYANG PANAGWAY GIBUHAT SA DIOS ANG TAWO**. Lalake ug babaye gibuhat Niya sila” (Genesis 1:26-27)

Ang Dios nga nagpasundayag nga Siya ang dunay tiunay nga pagdumala sa tanan, naglalang ug usa ka binuhat nga kapariho sa Iyang panagway, sumala sa Iyang hitsura. Usa lang kini sa mga texto sa Biblia nga nagpadayag

kon unsa'y hinungdan ngano nga gipakatawo man kita.

Atong balikan ang mga naunang mga versiculo una buhata sa Dios ang tawo, "Motungha sa kalibotan ang lain-laing mga hayup sumala sa ilang matang, baka ug ang mga mananap nga nagkamang sumala sa ilang matang, ug nahitabo kini. Ug ang Dios nagbuhat ug mga hayup sa ibabaw sa yuta sumala sa ilang matang. Baka sumala sa iyang matang, ug mga mananap nga nagkamang sumala sa ilang matang. Ug nakita kini sa Dios nga maayo." (Genesis 1:24-25)

Apan ang tawo gibuhath sa talagsaon nga matang. Gilain ang paglalang kaniya. Gibuhath siya sama sa panagway sa Dios. Busa, makapangutana kita unsa may tumong ug tuyo sa Dios nga gibuhath man Niya ang tawo sama sa Iyang panagway?

Unsay nagpaluyo sa paglalang sa usa ka makuting obra maestra? Adunay dakong katuyoan. Ug mao kini ang usa ka pinaka-importanteng impormasyon nga angayan gayod masabtan ug hatagan ug dakong pagtagad.

Ang tawo superyor diay kay sa hayup sukad pa sa sinugdan. Matud sa Dios, "...sila mao'y adunay gahom sa mga isda sa dagat, sa mga kalanggaman, mga baka ug uban pang mananap apil na ang tanang mananap nga naglamang sa yuta". "Busa, gilalang sa Dios ang tawo **SUMALA SA IYANG PANAGWAY,**

sa IYANG PANAGWAY GIBUHAT SA DIOS ANG TAWO. Lalake ug babaye gibuhat Niya sila.” (Genesis 1:26-27)

Nakita na ba nimo ang dakong kalainan sa tawo kong ikumpara sa hayup? Ang tawo gibuhat aron magdumala ug magmando. Gihatagan siya'g responsibilidad nga magdumala ug magalam sa ubang mga binuhat sa Dios nga ubos kaniyang matang. Taas ang iyang klase kay sa ubang binuhat sa Ginoo.

Aduna siya'y pagkamamugnaon nga wala sa hayup ug uban pang mga binuhat. Makamao siya mangatarungan, may mga laraw, mga idiya ug uban pang katakos nga mao'y naghatag kaniyang kinabuhing mapuslanon. Diyos ang iyang matang!

Alang sa mga nagduso sa nagpatoong-matuod nga konsepto nga ang tawo kuno nag 'evolve' gikan sa laing matang nga mananap, adunay tuno nga panamastamas kini sa salabutan ug pangisip sa iyang isigkatawo. Si Apostol Pablo aduna'y latigo alang kanila: “Gipadayag gikan sa langit ang kapungot sa Dios batok sa dili diosnon ug sa pagkadaotan sa mga tawo, kansang mangil-ad nga pamatasan nagsanta sa kamatuoran. Ang masayran sa tawo bahin sa Dios gipadayag niya kanila sa klaro gayod. Ang Dios gayod mao'y nagpatinaw niini kanila. Sukad buhata sa Dios ang kalibotan, ang Iyang dili makita nga kinaiya—ang Iyang gahom nga walay kataposan ug ang Iyang pagka-Dios, nakita nga

klaro kaayo diha sa mga butang nga gibuhat sa Dios. Busa wala na sila'y ikabalibad.” (Roma 1:18-20)

### **Ang Katakos sa Tawo**

Ang tawo adunay katakos mag-imbento ug mga butang nga magagikan lamang sa iyang panghunahuna. Ang teknolohiya usa lamang sa labing klarong pasundayag sa kapabilidad sa tawo nga dili hintupngan bisan pa sa 'pinaka-utokang' hayup. Ang mga kahilipsang sama sa damgo lamang kaniadto nga mao'y naghatag ug kasayon sa atong panglihok-lihok karon, mao'y dili ikalimod nga timailhan kon unsa ka utokan ang tawo. Gumikan sa iyang mamugnaong kapasidad, ang katawhan duol na kaayo sa matag usa — utang kabubot-on kini sa naimbentong mga sakyanan ug kumunikasyon. Wala ka ba makapangutana sa imong kaugalingon kong unsa pa kaha'y makab-ot sa tawo kon wala'y katapusan ang iyang kinabuhi—kong magpabiling himsog ang iyang panglawas inubanan sa mahait nga salabutan? Dili sayon handurawon kon asa kutob ang iyang makab-ot nga kaalam ug mga himoon pang mga kasangkapan alang sa kauswagan kong ipadayon ang iyang kinabuhi.

Busa, katoohan pa ba kaha ang idiya nga sa sinugdanan mituybo lang kita gikan sa mga matang nga ubus ra kaayo'g kalidad kanato? O dili ba kaha mingkalit lang kita ug tim-aw nga

maorag usa lamang ka hitabo nga wala damha maingon sa usa ka aksidente? Gawas sa pahayag sa Dios nga nahisulat sa Biblia mahitungod sa tawo, tanang teorya, pangagpas ug bana-bana mahitungod sa tawo kutob ra diha—teorya, pangagpas ug bana-bana! Dili kakuptan, dili kasaligan, dili katoohan!

Ang mga tipik-tipik nga paghubit mahitungod sa tawo igo na aron matino ang dakong kalainan sa tawo ug mananap. Gawas nga pariho lamang ang ilang materyal nga sambog (gikan sa abog sa yuta), ug parihong ulipon sa kamatayon ug pagkadugta, ang ilang 'potential' o umaabut dili managsama. Ang destinasyon sa tawo dili ikaindig sa hayup. Unsa man diay?

### **Ang Dakong Laraw sa Dios**

Atong nakita nga ang tawo wala buhata sa bisan unsa na lamang nga matang. Wala gani siya himoang sama sa iyang kaugalingon nga usa ka tawhanong matang. Gibuhat siya sa matang sa Dios! Makapakurat kini nga kamatuoran. Apan ang Biblia mahayag sama sa pagsubang sa adlaw sa sayong kabuntagon: "Atong buhaton ang tawo maingon sa Atong panagway, sumala sa Atong kaugalingong panagway. Busa, gilalang sa Dios ang tawo **SUMALA SA IYANG PANAGWAY, SA IYANG PANAGWAY GIBUHAT SA DIOS ANG TAWO**. Lalake ug babaye gibuhat Niya sila." (Genesis 1:26-27)

Porma ra ba ug hitsura sa lawasnong kinaiya lamang ang buot ipasabot sa Dios? Adunay ulo, ilong, mata, kamot, tiil ug uban pang bahin sa iyang lawas? O aduna pa ba'y mas importanteng tumong ang Ginoo? Unsa man gayod ang uyok sa giasoy sa Genesis 1:26-27? Si Apostol Pablo adunay mahinungdanong mensahe: “Wala makita sa mga mata, wala hingdunggi sa mga dalunggan, wala makasulod sa kasing-kasing sa tawo ang mga butang nga giandam sa Dios alang sa mga nahigugma Kaniya.” (1 Corinto 2:9) Unsa man kining mga butanga?

### **Sagupon sa Dios isip Matuod nga Anak**

Sa Efeso 1:4-6 atong makita ang pahayag ni Pablo kon unsa gayod ang plano sa Dios alang sa katawhan. Tan-awa: “Sa wala pa buhata ang kalibotan gipili na kita sa Dios aron maiya diha ni Cristo, aron mabalaan ug mawalay sala sa Iyang atubangan. Tungod sa gugma, daan nang gibut-an sa Dios nga SAGUPON KITA NIYA NGA MGA ANAK pinaagi ni Jesu-Cristo—mao kini ang gikahimut-an ug tuyo. Daygon nato ang Dios tungod sa labihang pagtagad kanato pinaagi sa Iyang hinigugmang anak.”

Walay bunga-bunga nga giangkong ni Jesus nga siya ang bugtong Anak sa Dios nga mikunsad sa kalibotan. Hinunoa: “Unya ang mga Judio mipunit na usab ug bato aron pagbato kaniya. Si Jesus miingon kanila,

gipakita ko kaninyo ang daghang maayong buhat nga gisugo kanako sa akong Amahan; hain man niini ang hinungdan nga inyo man akong batoon?" Ang mga Judio mitubag, 'Dili ka namo batoon tungod sa bisan unsang buhat nga maayo, kon dili tungod sa imong pagpasipala sa Dios! Tawo ka man lamang, apan nagpaka-Dios ka!.' Si Jesus mitubag, 'Nahisulat sa inyong kaugalingong balaod nga ang Dios miingon, 'Mga Dios kamo!'. Kon sila nga gihatagan sa Dios sa iyang mensahe gitawag sa Dios nga mga dios ug ang Kasulatan dili man gayod masayop, nan ngano nga moingon man kamo nga ako nga gipili sa Amahan ug gipadala nganhi sa kalibotan nagpasipala sa Dios sa akong pag-ingon nga ako mao ang Anak sa Dios? Busa ayaw kamo pagtuo kanako kong ako wala magbuhat sa mga buhat sa akong Amahan.'" (Juan 10:31-37)

Tin-aw ang pahayag ni Cristo. Siya gipadala sa Dios Amahan aron aduna kita'y higayon nga makaaangkon ug kaluwasan. Usa kini sa paagi aron matuman ang tumong sa Dios nga sagupon kita isip iyang mga matuod nga anak sama kang Cristo. Atong tan-awon ang dugang pahayag mahitungod niini sa Hebreo: "Husto gayod ang Dios nga mao'y nagbuhat ug nagpalungtad sa tanang butang, sa paghingpit kang Jesus pinaagi sa iyang pag-antos., ARON MAKAAANGKON SA HIMAYA ANG DAGHANG MGA ANAK. Kay si Jesus ang nagdala kanila ngadto sa kaluwasan. Kay sila gibalaan ug ang

nagbalaan kanila may usa lamang ka Amahan. Busa dili maulaw si Jesus sa pagtawag kanila nga iyang mga igsoon. Sumala sa iyang giingon, “Ipaila ko ang Imong (Dios Amahan) ngalan ngadto sa akong mga igsoon, awitan ko ikaw ug alawiton atubangan sa tibuok katilingban”... Ug miingon pa gayod Siya, “Ania ako uban sa mga anak nga gihatag sa Dios kanako.” (Hebreo 2:10-13)

Klaro ang plano sa Dios nga iyang ipaambit ang Iyang Diosnong kinaiya usa pa mugnaon ang kalibotan. Padaghanon pa ang Iyang mga anak. Tungod niini, wala magdumili ang Dios Amahan nga tugotan ang Iyang bugtong Anak nga isuong siya sa peligro aron lang matuman ang hilabihan ka mahinugdanon nilang tinguha nga gisaysay na sa Genesis 1:26. Makita nato kini sa Filipos 2:5-9: “Angayng batonan ninyo ang hunahuna nga gibatonan ni Cristo-Jesus nga mao kini: Diha niya kanunay ang kinaiya gayod nga Dios, apan wala niya hatagig dakong bili, hinuon wala siya magdumiling ibutang sa kakuyaw ang iyang pagka-Dios. Sa Iyang kaugalingong kabubuton iya kining gibiyaan. Ug gisul-ob niya ang kinaiya sa usa ka solugoon. Natawo siya sama kanato ug nakita siya ingon nga tawo; Nagpaubos siya ug nagmasinugtanon hangtod sa iyang kamatayon sa krus. Tungod niini gituboy siya sa Dios ngadto sa kintas-ang dapit sa kalangitan, ug gihatagan ug ngalan nga labaw sa tanang ngalan.”



Sa pagkakaran si Cristo naglingkod sa Iyang trono sa tuo sa Dios Amahan (Colosas 3:1; Hebreo 10:12). Siya ang mahimong kamagulangan sa daghang mga magsoon. (Roma 8:29)

Nagpamatuod lang nga aduna pay mga mosunod kaniya nga mga igsoon nga mahimong sakop sa pamilya sa Dios pinaagi sa pagkabanhaw sama kang Cristo. (1 Corinto 15:22-23, 51-52)

Sa epistola ni Pablo sa mga kristiano sa Roma, tin-aw niyang gipasabot nga makaambit kita sa mga butang nga mapanunod ni Cristo isip Iyang mga igsoon: "Ang tanang gimandoan sa Espiritu sa Dios, mga ANAK sa Dios. Kay ang Espiritu nga gihatag sa Dios kaninyo dili maghimo kaninyong ulipon aron mahadlok kamo; hinunoa, ang maong Espiritu maghimo kaninyo nga ANAK sa Dios. Tungod niini makasangpit na kita sa Dios sa pag-ingon, 'Amahan ko!'... Ug sanglit mga anak naman kita niya, makapanag-iya kita sa mga panalangin nga gitagana sa Dios sa iyang katawhan. Dugang pa niana, mahimo kitang masigkamanunod ni Cristo sa tanan nga gitagana sa Dios kaniya; kay kon makaambit kita sa iyang mga pag-antos, makaambit usab kita sa iyang himaya." (Roma 8:14-17)

Mao gihapon kini ang gipahinumdom ni Pablo sa mga taga-Galacia: "Ug tungod kay kamo mga anak sa Dios, gipadala sa Dios ang espiritu sa Iyang Anak sulod sa inyong mga

kasing-kasing ug makasangpit na kamo kaniya 'Amahan ko!'. Busa dili na kamo mga ulipon kon dili mga anak, ug kon anak manununod kamo sa Dios pinaagi kang Cristo". (Gal. 4:6-7)

Talagsaon ra sa kadaghanang nag-angkon nga sila kristyano ang wala magtuo ug nagpaabot sa ikaduhang pagbalik ni Cristo. Haligi kini sa pagtolon-an sa kristyanismo. Apan dili kaayo tataw sa kadaghanang nagtoo kon unsa'y klarong laoman ug mapaabot sa ikaduhang pagbalik ni Cristo. Si Apostol Juan adunay makapadasig nga pahayag alang sa mga tinuorayng nag-amping sa mga kasugoan sa Dios. Matud niya: "Tan-awa unsa ka dako ang paghigugma sa Dios Amahan nga gitugyan kanato nga tawgon kita Niya ug mga anak sa Dios; busa ang kalibotan wala man makaila kanato tungod kay wala man sila makaila Kaniya. Mga hinigugma, karon mga anak kita sa Dios, apan dili pa matino kon unsa'y atong hitsura. Apan nahibalo kita nga sa Iyang pagtungha, MAHIMO KITANG PARIHO KANIYA kay makita man nato kon unsa gayod Siya. Ug ang tanang naglaom niini kinahanglan magpakadalisay, kay Siya usab dalisay man". (1 Juan 3:1-3)

Si Apostol Pablo may gidugang pang pagpalig-on sa giingon ni Juan: "Kay ang atong pagka-lungsuranon didto man sa langit, diin mahinamon kitang nagpaabot sa atong Manluluwas nga si Cristo-Jesus nga mao'y

mag-usab sa madunoton natong lawas, ug mahulma kini sama sa Iyang mahimayaong lawas..." (Filipos 3:20-21)

## Unsa'y Mapaabot sa Imong Pagtoo

Ang pagtoo usa ka maligdong nga tahas. Dili kini angayan sudlan nga dili hunahunaon. Kinahanglan masayran mo ngano nga mitoo ka tungod kay gigahinan mo kini ug panahon ug katigayunan. Kinahanglan masayran kon unsa'y imong malaoman ug mapaabot gumikan sa imong pagtoo. Dili kini dautan sa panan-aw sa Dios. Gi-awhag pa gani kini: "Sutaa ninyo ang tanan. Ampingi ang maayo, isalikway ang daotan". (1 Tesalonica 5:21)

Usa ka higayon may gisulti si Jesus nga nag-aghat kang Pedro pagpangutana: "Ginoo, among gibiyaan ang tanan ug misunod kami kanimo. Unsa may among mapaabot? Si Jesus mitubag: "Isulti ko kini; iniglingkod unya sa Anak sa Tawo sa iyang mahimayaong trono diha sa Bag-ong Kalibotan, kamong napulog duha ka tinun-an molingkod usab sa trono aron pagdumala sa napulog duha ka banay sa Israel. Ug ang TANAN (apil na kita) nga mibiyag balay, mga igsoon, amahan, inahan, mga anak o uma tungod kanako makadawat ug labaw sa usa ka gatos ka pilo, UG HATAGAN PA GAYOD SIYAG KINABUHING DAYON." (Mateo 19:27-29)

Natural lamang nga kong hatagan ka ug tugob nga mga katigayonan kinahanglan

pahimuslan mo kini hangtod sa kahangturan. Busa kinahanglang wala kay kamatayon. Dakong sukwahi sa mga adunahan karon nga adunay utlanan ang ilang pagpahimulos sa ilang naangkong katigayunan!

### **Dalaygon ang Laraw sa Dios**

Daygon and Dios tungod kay ang tawo nga Iya lamang binuhat gihatagan, gitugyanan ug gihimoan ug tanang paagi – usa niini ang pagsakripisyo sa Iyang bugtong anak – aron lang Iya kining sagupon unya masakup sa Iyang banay isip tinouray nga mga anak. Kong ikaw anak sa Dios makapanuod ka sa Iyang mga katigayonan. Ug labaw sa tanan sa Iyang kinaiya. Natural dios ka usab! Dili ba si Cristo nagaingon, “Mga Dios kamo!” (Juan 10:34) Magil-as ug matampalasanon paminawon ang maong mga pinulongan, apan ang imong Biblia maoy nagsulti niana!

Tin-aw ang tanan. Ang Dios nga wala mag-inusara – sumala sa Iyang pinolungang nagaingon “Buhaton NATO ang tawo sama sa ATONG panagway” – nagpasanay sila sa ilang kaugalingon kaliwat. Padaghanon Niya ang Iyang mga anak nga sama kang Cristo. Hinuon, klaro kaayo nga dili hitupngan ang katungdanan ug kagamhanan ni Jesus ug Dios Amahan.

Ang mahimong sakop sa kinatibuk-ang pamilya sa Dios pariho ang pamatasan, panlantaw, panghunahuna, kinaiya ug uban

pang mga hiyas nga gilamid sa pagkabalaan ug pagkamatarong. Gawas pa niini silang tanan makabaton sa gasang gitagana kanila – ang kinabuhing dayon. Matud ni Pablo: “Sila nga pinaagi sa pagpailob nagpadayon sa pagkamatarong ug nagtinguha sa himaya ug kaadunggan ug pagka-dili mamatay—kinabuhing dayon...” (Roma 2:7)

Sa unsa man nga paagi nga ikaw makaambit sa diosnong kinaiya nga harianon, halangdon ug walay kamatayon? Si Pablo may tubag: “Kong ang Espiritu Kaniya nga nagbanhaw kang Jesus gikan sa kamatayon anaa kanimo, Siya nga nagbanhaw kang Jesus mao usab ang mobanhaw sa imong madugta-ong lawas pinaagi sa Espiritu sa Dios nga nagpuyo kanimo.” (Roma 8:11) Dugang pa: “Mao kini ang tinago: Dili kitang tanan mangamatay kon dili sa kalit mangausab kita, sama ka kalit sa usa ka pagpamilok, inigtingog sa kataposang trumpeta. Kay inigtingog niini, banhawon ang mga patay ug mangahimo silang binuhat nga dili na mamatay ug mangausab kitang tanan. Kay ang madunot kinahanglan magsul-ob na sa dili madunot, ug ang mamatay, sa dili na mamatay.” (1 Corinto 15:51-53)

## **Kasaligan sa Dios**

Ang kinabuhing wala'y kamatayon dili laay o sum-ol. Puno kini sa mga hagit sa pagkamamugnaon ug pangatungdanan. Tan-awa: “Bulahan kaayo ang nahiapil sa unang

pagbanhaw. Wala na'y gahom kanila ang ikaduhang kamatayon. Mahimo silang mga hari ug mga pari sa Dios ug ni Cristo, ug maghari sila uban kaniya sulod sa 1000 ka tuig." (Gipadayag 20:6)

Asa man maghari ang mga nabanhaw? Ania ang tubag: "Kay gipatay ka (si Cristo) ug pinaagi sa imong kamatayon gitubos mo ang katawhan alang sa Dios, gikan sa tanang banay, pinulongan, katawhan, ug kanasuran. Ug gihimo mo kaming mga hari ug mga pari sa Dios aron **MAGHARI SA KALIBOTAN.**" (Gipadayag 5:9-10)

Sa mga kasaligang pulong nga nagagikan sa Dios Amahan human Niya ikanaog ang Bagong Herusalem aron permanente na kining itukod dinhi sa kalibotan, Siya nagaingon: "Siya nga magmadaugon makapanunod sa tanang butang, ug Ako ang iyang Dios ug sila Akong mga anak." (Gipadayag 21:7)

Ang Dios nga mao'y naglaraw niining tanan dili gayod mamakak (Hebreo 6:8; Tito 1:2), ug Iya gayong tumanon ang tanan Niyang mga saad (Hebreo 10:26).

Bulahan ang tanan nga gitugahan ug salabutan sa mga naasoy nga kamatuoran nga wala magagikan sa tawhanong panghuna-huna kon dili sa Dios nga Makagagahom sa Tanan!

**The Church of God International**  
**Meeting Places**

**Manila**

6th Floor, Peaksun Bldg.  
Princeton St.  
Mandaluyong City  
Saturdays, 2 p.m.

**Naga**

New Crown Hotel  
Elias Angeles cor.  
P. Burgos St.  
2nd-5th Saturdays  
10 a.m.

**Alabang**

Crimson Hotel  
Entrata Urban Complex  
Filinvest City  
2609 Civic Drive  
Muntinlupa City  
Saturdays, 2 p.m.

**Cebu**

Rajah Park Hotel  
Fuente Osmeña Circle  
Cebu City  
1st Saturday of the Month  
10 a.m. - 2 p.m.  
0920-2626413

**Malolos**

Hiyas ng Bulacan  
Convention Center  
Malolos City  
Saturdays, 2 p.m.

**Mindanao**

Alzon's Palace, Maranding  
Lala, Lanao del Norte  
Saturdays 10 a.m.  
Rogen Francisco  
0935-2039729

**Iloilo City**

Iloilo Midtown Hotel  
Yulo St.  
Saturdays, 2 p.m.

Brgy. Kiara, Don Carlos  
Bukidnon  
Saturdays 10 a.m.  
Dirick Huradas  
0935-6734803

**Masbate City**

Brgy. Vito, Sagay  
Negros Occidental  
Saturdays, 2 p.m.

## For Further Information

If you would like to visit a CGI congregation, or if you would like to speak with a CGI minister or representative with any questions you may have, feel free to write or call us. We will be delighted to serve you in any way possible.

United States:  
Church of God International  
P.O. Box 2525  
Tyler, TX 75710  
(903) 825-2525

Canada:  
Church of God International, Canadian Office  
121-525 Highland Rd. W.  
Kitchener, ON N2M 5P4

Australia:  
Church of God International  
P.O. Box 171  
Boonah, Qind 4310

Philippines:  
Church of God International  
Makati Central P.O. Box 2450  
1264 Makati City, Philippines  
Tel: (632) 995-0294  
Tel/Fax: (632) 995-0577  
Cel: 0917-8116365



This booklet is a free educational service  
in the public interest, published by



Ang Iglesia sa Dios Internasyonal adunay mga ministro ug representante nga andam makig-istorya ug mag-alagad kaninyo. Kon aduna kamo'y kinahanglan nga masayran mahintungod sa mga butang espirituwal, magpahibalo lang aron magahinan kamo ug panahon aron pagsilbihan.

#### MGA BASAHON NGA LIBRENG MAINYO:

- Ang Imong Kapalaran
- Gihinloan na ba ang mga Pagkaong Gidili sa Karaang Tugon?
- Kanus-a Nabanhaw si Jesus?
- Katapusan na ba ang Kamatayon?
- Unsa Man ang Tawo?

I-TEXT lang ang ngalan ug kumpletong address sa  
0920-2626413 • 0917-8116365

## God's Annual Holy Days

	<b>Passover</b>	<b>Feast of Unleavened Bread</b>	<b>Pentecost</b>	<b>Feast of Trumpets</b>
<b>2019</b>	April 19	April 20-26	June 9	Sept. 30
<b>2020</b>	April 8	April 9-15	May 31	Sept. 19
<b>2021</b>	March 27	March 28- April 3	May 16	Sept. 7
<b>2022</b>	April 15	April 16-22	June 5	Sept. 26
<b>2023</b>	April 5	April 6-12	May 28	Sept. 16
<b>2024</b>	April 22	April 23-29	June 16	Oct. 3
<b>2025</b>	April 12	April 13-19	June 1	Sept. 23
<b>2026</b>	April 1	April 2-8	May 24	Sept. 12
	<b>Day of Atonement</b>	<b>Feast of Tabernacles</b>	<b>Last Great Day</b>	
<b>2019</b>	Oct. 9	Oct. 14-20	Oct. 21	
<b>2020</b>	Sept. 28	Oct. 3-9	Oct. 10	
<b>2021</b>	Sept. 16	Sept. 21-27	Sept. 28	
<b>2022</b>	Oct. 5	Oct. 10-16	Oct. 17	
<b>2023</b>	Sept. 25	Sept. 30 - Oct. 6	Oct. 7	
<b>2024</b>	Oct. 12	Oct. 17-30	Oct. 24	
<b>2025</b>	Oct. 2	Oct. 7-13	Oct. 14	
<b>2026</b>	Sept. 21	Sept. 26 - Oct. 2	Oct. 3	

**You can download free literatures in PDF format. You can also download our new phone, tablet, and television app, CGI Digital Network. This app is packed with powerful content and resources to help you grow in grace and knowledge. Just visit our website [cgiphils.org](http://cgiphils.org).**

**You can also check our Youtube channel, The Church of God International, Philippines. It includes sermons, sermonettes or Bible studies presented by ministers and leadership graduates from CGI Philippines.**



8F Unit H, IBM Plaza, Eastwood City, E. Rodriguez Jr. Ave.,  
Bagumbayan, Quezon City, MM Philippines 1110

Makati Central P. O. Box 2450, Makati City, MM, Philippines 1264  
TelFax: 995-0577, Tel: 995-0294, Cell: 09178116365

Internet Address: [www.cgiphils.org](http://www.cgiphils.org)  
Email Address: [cgiphils@yahoo.com](mailto:cgiphils@yahoo.com)